



EMBARGO: Tidak boleh dicetak atau disiarkan di mana-mana platform media sosial sebelum jam 3 petang, Jumaat 8 Disember 2023.

Untuk Terbitan Media

8 Disember 2023

SIARAN MEDIA

SISTEM, LAMAN SESAWANG PERKESO DIGODAM

ALERT: OPERASI HARIAN TIDAK TERJEJAS

KUALA LUMPUR: Sistem, pangkalan maklumat dan laman sesawang Pertubuhan Keselamatan Sosial (PERKESO) diserang penggodam, sejak Sabtu lalu.

PERKESO ketika mengesahkan perkara itu memaklumkan, pelan pengurusan krisis diaktifkan pada hari sama, dengan unit teknologi dan komunikasi maklumat (ICT) digerakkan bagi tujuan pemulihan sistem.

Jelasnya, peringkat awal modus operandi serangan siber itu dikenal pasti bertujuan untuk melumpuhkan segenap infra PERKESO yang digunakan bagi pengoperasian sehari-hari.

“Bagaimanapun, kejayaan unit ICT PERKESO mendapatkan semula kawalan sistem akhirnya menyebabkan penggodam menukar taktik dengan cuba melancarkan serangan ‘character assassination’ (pembunuhan watak) terhadap imej PERKESO.

“PERKESO memberi jaminan, usaha terancang didalangi penggodam ini tidak akan merencatkan khidmat kita kepada pencarum, majikan dan orang ramai.

“Justeru, segala pembayaran faedah, pampasan dan pencen ilat kepada pencarum serta waris terbabit akan tetap dilaksanakan mengikut tempoh diperuntukkan,” katanya, hari ini.

Mengulas kebocoran maklumat yang dipaparkan di ‘dark web’ atau laman sesawang gelap, hasil penelitian awal PERKESO mendapati kesahihan data yang dicuri oleh penggodam itu amat diragui, tidak lengkap dan luput.

Katanya, hal itu kerana satu kluster data yang dicuri berkenaan tidak pernah dicerap oleh PERKESO, sejak agensi ini ditubuhkan pada Oktober 1971.

“Serangan siber terhadap PERKESO ini bukan kali pertama, sebaliknya siri pencerobohan sudah berlaku, dengan kali terakhir pada September lalu dan berjaya dibendung.

“Tindakan penggodam yang tidak bertanggungjawab ini adalah serangan yang menyasarkan kepentingan negara, justeru segala hasil forensik akan dikongsikan kepada pihak berkuasa demi mengelak episod sama berulang terhadap agensi lain,” katanya.

Tamat

###

Mengenai PERKESO

PERKESO, agensi Kerajaan yang menyediakan perlindungan sosial kepada pekerja swasta, Badan Berkanun/Kerajaan, bekerja sendiri dan suri rumah serta tanggungannya daripada keadaan luar jangka. Ia merangkumi kemalangan, hilang upaya, penyakit, kematian dan kehilangan pekerjaan. Perlindungan ini berkonsepkan insurans sosial dengan prinsip ‘Prihatin’ dan ‘leaves no one behind’. PERKESO beroperasi di 54 Pejabat, 5 Pusat Rehabilitasi dan 293 MyFutureJob One Stop Center di Malaysia. Layari www.perkeso.gov.my atau hubungi Pusat Khidmat Pelanggan 1300 22 8000.

Dikeluarkan oleh:

**Bahagian Komunikasi dan Hal Ehwal Korporat
8 DISEMBER 2023**

Untuk pertanyaan media, sila hubungi:

Mohd Wazid Zaidon

+6017-619 3181

wazid.zaidon@perkeso.gov.my